

ԳԵՎՈՐԳ ԱՐՇԱԿԻ ԱԲՈՎ

Վախճանվեց հին բուշակի, անվանի գրականագետ, գրող, արվեստի վաստակավոր գործիչ, դոկտոր, պրոֆեսոր Գևորգ Արշակի Աբովը (Աբովյան)։

Սովետաժայ մշակույթը անձին Գ. Աբովի յորդորեց իր լավագույն ներկայացուցիչներից մեկին, մի այնպիսի գործիչ, որ մեր երկրում սովետական կարգերի հաստատման առաջին խել օրից իր ուժերը նվիրել էր սովետահայ գրականության, արվեստի, լուսավորության ծաղկման ու առաջընթացի շնորհակալ գործին։

Գևորգ Աբովը ծնվել է 1897 թ. Խիֆլիսում։ Սովորել է Ներսիսյան դպրոցում, որտեղ և ծանոթացել է մարքսիստական գրականությանը, մասնակցել աշակերտական մարքսիստական խմբակների պարապմունքներին։ Կարճ ժամանակից հետո նա ծառայել է բանակում, որպես զինվոր-գեղացորդ։

1918 թ., Վրաստանում մենշևիկների տիրապետության օրերին ռևոլյուցիոն տրամադրություններով համակված երիտասարդը ձերբակալվում է և մեկ տարի Քուրախի բանտում կալանքի տակ մնալուց հետո փախչում։ 1919 թ. նոյեմբերին Գ. Աբովը Նոյն Զարենցի հետ աշխատում է Կարսի շրջանի Բաշթագիկյար գյուղում որպես ուսուցիչ։ Սակայն այստեղ ևս ձերբակալվում է, այս անգամ՝ դաշնակների կողմից, և բռնի ուղարկվում զինվորական ծառայության։ 1920 թ. Գ. Աբովն ընդունվում է բուշակյան պարտիայի շարքերը և ակտիվորեն մասնակցում Հայաստանում սովետական կարգերի հաղթանակի համար մղված պայքարին։ Նորորդ անգամ Գ. Աբովը ձերբակալվում է 1921 թ. փետրվարին, դաշնակցական ավանտյուրայի ժամանակ և բանտից ազատվում նույն թվականի ապրիլի 2-ին, ավանտյուրան չափափելուց հետո։

Այնուհետև սկսվում է Գ. Աբովի գործունեության նոր ու բեղմնավոր շրջանը։ Գրական հարուստ ձիրքով օժտված երիտասարդը դառնում է սովետահայ գրականության ականավոր գործիչներից մեկը։ 1922 թ. հունիսին Նոյն Զարենցի և Ազատ Վշտուռու հետ նա ստորագրում է «Երեքի» հայտնի դեկլարացիան։

20-ական թվականներին Գևորգ Աբովը հանդես է գալիս նոր բանաստեղծություններով, պատմվածքներով, ակնարկներով։ Այդ նույն

տարիներին նա աշխատում է որպես Հայաստանի պրոլետարական գրողների ասոցիացիայի քարտուղար (1925—1931), պարտիական ու գրական մամուլում տպագրում է ուշագրավ «ողվածներ» նվիրված պրոլետարական գրականության և անցյալի գրական ժառանգության արցրերին։ Միաժամանակ նա ղեկավար աշխատանքներ է վարում սովետաժայ կուլտու-



րայի զանազան օջախներում։ աշխատում է որպես Հայաստանի պետական թատրոնի դիրեկտոր (1928—1931), լուսավորության մոդավորողական կոմիսարի տեղակալ (1934—1936), Մատենադարանի դիրեկտոր (1940—1952), դասախոսում է հայ գրականության և գրականության տեսություն՝ ռեսպուբլիկայի բարձրագույն ուսումնական հաստատություններում, խմբագրում ռեսպուբլիկայի գրական պարբերականները։ Այնուհետև աշխատանքի է անցնում Հայկական ՍՍՌ գիտությունների ակադեմիայի Մ. Արեղյանի անվան գրականության ինստիտուտում, որի ավագ գիտաշխատակիցն ու գիտական խորհրդի անդամն էր մինչև կյանքի վերջը։ Բոլոր այս տարիներին Գևորգ Աբովը զբաղվում

է գրողի և հետազոտողի բազմակողմանի ունակություններ:

Հայրենական մեծ պատերազմի օրերին Գ. Արովը հանգես է գալիս սովետական մարզկանց հերոսական պայքարն ու աշխատանքը պատկերող հետաքրքիր ակնարկներով, պատմվածքներով, որոնք զետեղվում են 1943 թ. հրատարակված նրա «Խաղաղության տուն» և թիկունքում» ժողովածուի մեջ:

Մեծ է Գ. Արովի վաստակը գրականագիտության ասպարեզում: Հայ գրականության զարգացման բոլոր փուլերին քաջատեղյակ գիտնականը տասնյակ արժեքավոր աշխատություններ է թողել ինչպես հին, այնպես և նոր ու սովետական շրջանի հայ գրականության ամենատարբեր հարցերի մասին: Հիշատակելի են հատկապես նրա «Արդարության ու սիրո երգիչը»՝ նվիրված Սայաթ-Նովային, «Խաչատուր Աբովյան» և «Գարբիկ Սունդուկյան» ծավալուն մենագրությունները և նրա եռանդուն մասնակցությունը «Սասունցի Դավիթ» էպոսի համահավաք տեքստի ստեղծման գործին: Գ. Արովը խոշոր աշխատանք է կատարել նաև Ստ. Մալխասյանցի «Հայերէն բացատրական բառարան»-ի հրատարակման ուղղությամբ լինելով այդ մեծարժեք աշխատության խմբագիրներից մեկը:

Պրոֆեսոր Գևորգ Արովը հասարակայնության հայտնի էր որպես արտակարգ աշխատասեր, կոմունիստական բարձր սկզբունքայնությամբ ու գիտական մեծ էրուդիցիայով օժտված գիտնական: Նա մեծ հաճությամբ էր օգնում երիտասարդ գիտնականներին, նպաստում դիսերտացիաների պաշտպանության:

Գրական հասարակայնությունը նրան ճանաչում էր նրա բանաստեղծություններով ու գեղարվեստական արձակ երկերով, ինչպես նաև բազմաթիվ թարգմանություններով, որ նա պարբերաբար կատարում էր ռուս մեծ գրողներին:

1961 թ. մայիսից մինչև 1964 թ. ապրիլը պրոֆեսոր Արովը հանդիսանում էր Հայկական ՍՍՌ գիտությունների ակադեմիայի «Տեղեկագրի» (հասարակական սերիա) խմբագիրը: Նա մեծ եռանդ ու ջանք է գործադրել ամսագրի հրատարակման, նրա գիտական բարձր մակարդակն ապահովելու գործում: Հիվանդության պատճառով աղատվելով խմբագրի պաշտոնից նա արժանացավ ՀՍՄՌ ԳԱ նախագահության հատուկ շնորհակալության՝ «անբասիր և բարեխիղճ աշխատանքի համար»:

Սովետական կառավարությունը բարձր է գնահատել Գ. Արովի վաստակը: Նա պարգևատրվել է Աշխատանքային կարմիր դրոշի շքանշանով և մեդալներով: Հայաստանի կառավարությունը նրան շնորհել է արվեստի վաստակավոր գործչի պատվավոր կոչում:

Գ. Արովը լի էր ստեղծագործական անսպառ եռանդով և ուներ գիտական աշխատանքի լայն ծրագրեր, որոնց իրականացման վրա նա աշխատում էր վերջին տարիներս: Մասնավորապես նա պատրաստում էր տաղաչափության վերաբերյալ հետազոտություն:

Գրողի, գիտնականի, կուլտուրայի գործչի, ազնիվ կոմունիստի՝ Գևորգ Արովի հիշատակը վառ կմնա նրա ընկերների ու բոլոր նրան ճանաչողների սրտերում: